

omnis scientiæ politicæ scaturiginem, videntur (ut vere loquar) aquam de fonte valde turbido nobis propinare. Sed ut his finem imponamus, aliud videamus notatu dignissimum, quod huic studio accidit.

CAP. XIV.

De miris in libros Justiniani glosfis
& commentariis.

CUM magni isti quatuor Doctores & consilarii Imperatoris Friderici glosfas quasdam, & minutas remissiones in libros Justiniani reliquissent, sic eos æmulationi sunt successores, ut intra trecentos annos plures tractatus, disputationes, commentarii, consilia, decisiones, observationes, annotationes, repetitiones, singularitates, apostillæ, & alii variorum generum libelli prodierint, quam ante Justinianum mille & quadringentorum annorum spatio. Nimirum volebat unusquisque Doctorum hoc pacto innotescere, & publice celebrari, ut postea à Principibus evocaretur, aut in legum Universitates accerferetur, aut pingvi stipendio ad scribendum consilia, instructiones & monitiones ad instruendas res conducere. Supervenit aliud in-
spera-